

# COVID-19

(Nañinmej in Coronavirus 2019)

## Ta in COVID-19?

Raar lo COVID-19, me rej ba nañinmej in coronavirus 2019, jinoin tata ilo Wuhan, Hubei Province, China ilo 2019. Coronavirus ko rej ilo juon kumi in virus me rej aīnwōt ñe armej rej bōk mejin. Nañinmej rot in e pād ilo elōñ kain menninmour aīnwōt kau, kuuj im bat (juon kain bao), im jet iien ej jelōt armej, innām nañinmej in ej oktak bwe en etal jān armej ñan armej.

## Ta kakōlle ko an nañinmej in?

Kakōlle ko re maroñ in walok jān 2 lok ñan 14 raan ālikin am pād ippān juon eo im ewor nañinmej virus rot in ippān, im erkein jet iaan kakōlle ko:



Piba (fever)



Pokpok



E pen menono



Ejeja: metok loje, mōlañlōñ, pidodo loje

## Ewi wāween an ajeeded ñan ro jet?

Ro ri mōkade kōn ājmour rej katak wōt kōn wāween an COVID-19 etal jān armej ñan armej. Coronavirus ko jet rej etal jān armej ñan armej ilo wāween kein:



Ilo mejatoto (elaññe armej ro rej 6 ne ettolok jān doon ak epaaktok) ñe armej rej pokpok ak aji



Kōn am epaak ñan armej ro jet (6 ne ak epaak tok) ak kōn jibwe/idik pein armej



Ñe kwōj jibwe juon men me ewor nañinmej in virus in ie, innām kwōj jibwe loñōm, botōm, ak mejōm



Jet wōt iien, ak ejeja, ñe kwōj jibwe kubwe ko an armej

## Wāween bōbrae am bōk COVID-19

Ilo tōre in, ejjelok wā ñan bōbrae am bōk COVID-19, im ejjelok men kwō maroñ kōmmāne ñan lukkuun jelā bwe kwō ban bōke. Kwōn kōmman ejja men ko kwōnaaj kōmmani ñan bōbrae am bōk nañinmej in flu ak bōk mejin:



En kutkut am kwale peōm kōn soap im dān—elaññe ejjelok, kajerbal kein amwin



Kwōn kajjioñ in jab jibwe mejōm, botōm, ak loñōm elaññe kwō jañin amwin



Kwōn pād wōt mweo imōm elaññe kwō nañinmej in kajjioñ in jab kepaak ro jet



Kwōn jab kepaak ro re nañinmej



Kwōn kalibubuik loñōm/ botōm kōn juon tissue ak pein nuknuk ne am ñe kwōj pokpok ak aji